

Presentacion di buki “Cas di Biento” y tributo na Lio Booi



su feliz memoria. Sr. Orman yen di emocion a comparti cu e publico algun di su poesianan of “delicia di e buki”, manera e mes a bisa. Ta existi un interes grandi di parti di BNA pa sra. Orman realisa un tayer di literatura, ya cu el a yega di realisa exitosamente tayernan asina den pasado.

E linguista y docente di Papiamentu, sr. Milton Lacle kende a fungi como MC di e anochi aki a laga sa cu den cuadro di 500 aña desde 1515 pa 2015, nos ta conmemora e hecho cu e poblacion autentico di Aruba a keda expulsa pa Spañonan.



ORANJESTAD – Diahuebs anochi sra. Olga Orman a realisa e presentacion di su obra literario nobo, esta “Cas di Biento” na Biblioteca Nacional Aruba (BNA) su sede na Oranjestad.

E acto aki a conta cu presencia di un publico grandi entre nan director di departamentu di Cultura, sr. Siegfried Dumfries y famianan di sr. Hubert “Lio” Booi (q.e.p.d.) ya cu tambe a wordo realisa un homenahe of tributo na

Y den e cuadro aki a wordo presenta un documental interesante riba e presencia indjan na Bonaire. Esaki a wordo conecta cu e hecho cu sr. Lio Booi kende a nace na Bonaire y biba practicamente henter su bida na Aruba, su obranan manera “E Ultimo Caribe” ta wordo considera como literatura Indjan.

Igualmente, sr. Lacle a bisa cu lo bin cu mas actividad entre nan 17 di februari caminda lo wordo lansa un buki titula “Curason” di Sonia Ruiz. □

